



皇明象胥錄

地930
787
部=:2



皇明象胥錄三



歸安茅瑞徵伯符撰



安南

安南古交趾地記云南方曰蠻雕題交趾其俗男女同川而浴故名焉書所謂南交者也自楚朝貢百越秦并天下開嶺表置南海桂林象郡漢初南海尉趙佗擊併旁郡地自立為南越王因以兵威役屬閩越西甌駱傳五世至武帝元鼎五年討其相呂嘉滅之分置交趾九真日南凡九郡領以交

象胥錄三

安南

芝園藏板

趾刺史光武中興錫光任延為守始教民耕稼姻娶制冠履漸置學校建武十六年交趾女子徵側徵貳反伏波將軍馬援討平之界以銅柱後置交州領交趾等七郡漢末象林縣稍割據為林邑國吳分其地置廣州徙治龍編隋廢郡置州大業初復置交趾郡史稱南海交趾各一都會也近海饒犀象瑋瑁珠璣賈至率取富其人尚信輕死重賄力農刻木為符契唐武德中改交州總管府至德中改安南都護府隸五筦安南之名自此始宣宗

時南詔寇安南陷都護府懿宗咸通四年併陷安南梁貞明中土豪曲承美竊據送款亡何南漢劉隱執承美署其將楊延藝交趾節度使傳子紹州將吳昌岌代之乾德初管内爭立大亂延藝牙將丁公著其子部領攝驩州刺史與子璉擊定亂者推爲帥宋平嶺表璉貢方物內附詔授安南都護併封部領交趾郡王太宗時璉弟璿嗣大將黎桓遷別第代總其衆太平興國五年秋詔發兵分道入討陸路自邕州水路自廣州明年春破賊白藤

象胥
錄三

安南

二

芝園
藏板

江桓詐降誘殺轉運使侯仁寶遂班師雍熙二年桓因來貢求節鎮明年以爲安南都護淳化四年進交趾郡王而桓數剽掠欽邕二州真宗卽位進桓南平王景德三年桓死立中子龍鉞爲弟龍廷所殺權留後卽拜龍廷交趾郡王賜名至忠大中祥符三年求市邕州以瀕海苦侵寇令仍於廉州及如洪砦予互市至忠尋爲大較李公蘊所逐從蠻俗封如桓進南平王子德政嗣廣源州蠻儂智高反德政欲由水路率兵二萬助王師優賜卻之

德政死子日尊嗣嘉祐中寇欽邕二州安撫使余靖等遣謀誘占城同廣南西路兵趨交阯惶怖謝罪爲罷兵熙寧二年日尊虜占城王自帝其國號大越五年死子乾德嗣寇陷欽廉二州遣將郭達致討敗其兵富良江擒僞太子洪真乾德懼奉表軍門請割地獻欵詔邕欽民劫遷炎陬俟還界卽以前廣源等地賜交州然廣源舊隸邕管非交阯有也政和未特弛互市禁乾德子陽煥陽煥子天祚各嗣封如制乾德側室子奔大理與天祚爭立

象胥
錄三

安南

三

芝園
藏板

欲假兵納不許淳熙元年進封天祚安南國王尋賜安南國印及曆日安南以國號始於此矣天祚傳子龍翰及孫昊昂無嗣以女昭聖主國遂爲婿陳日昷所襲李氏自公蘊至昊昂凡八傳二百二十餘年而國亡日昷故長樂人謝升卿美丰姿識書王女從窻隙窺悅而歸之竟王其國元已破蜀平大理兵次交阯北先遣使招諭以阿木率銳師乘勝逼國都日昷跳匿海島屠城夷宮廟留九日鬱蒸引去日昷歸見故國殘燼大憤表宋傳位長

子威晃元破宋威晃易名光昺請遣子弟爲質三年一貢世祖封光昺安南國王仍以達魯花赤佩虎符往來國中至元初賜曆頒改元詔四年以六事督攝甚備兼索回鶻賈是歲封皇子爲安南王出鎮大理鄯闡交阯諸國光昺卒國人立世子日烜貢方物馴象十八年立安南宣慰司以日烜叔遺愛入覲卽令代王然不克納二十年討占城諭交阯助兵糧行省右丞唆都言交阯與真臘占城雲南暹緬諸國接壤屯戍因餉可省海道轉輸二

象胥
錄三

安南

四

芝園
藏板

套遣使來朝其後貢獻不絕凡三世不稱王亦不請封取羈縻而已 明興天下略定世子陳日燧聞征南將軍廖永忠等踰嶺降何真定廣東西懇欲納款以梁王在雲南未決會遣漢陽知府易濟諭安南洪武二年令其臣黎安世等來朝貢且請封爵 詔侍讀學士張以寧典簿牛諒往封爲安南國王 賜駝紐塗金銀印并大統曆文綺以寧等抵境而日燧先卒弟日燧嗣迎請誥印以寧不可護詔境上別遣陪臣杜舜卿等請命先是占城象胥

錄三

安南

五

芝園藏板

縻役安南寢強與抗日燧數遣兵擊之占城來告急命編修羅復仁主事張福持詔令各罷兵復仁還奏安南王以黃金吉貝布贈使者卻不受上進復仁等官加賜其使三年遣使祀其國山川安南使杜舜卿等以日燧卒告哀請命上素服御西華門召見命編脩王廉往祭尋遣主事林唐臣充頒封使封日燧安南國王四年表謝貢方物遣員外郎吳伯宗報之其冬日燧兄叔明篡立五年貢馴象蓄情頗秘禮部已受表主事曾

魯取視其副曰前王陳日燧今叔明何也白尚書詰之以寔奏

上怒郤貢卽日拜魯禮部侍郎六年叔明更奉表謝罪請封使者言日燧實病死國人願立叔明詔以前王印視事後能填撫人民更議之七年表謝稱老願授政弟熾報可然叔明實專制國中八年命中書省諭安南等國三年一朝貢王立則世見十一年叔明來告熾喪弟熾署國事十二年禮部尚書朱夢炎奏定使安南禮凡使者抵境王遣象胥
安南
六
芝園
錄三
藏板

人郊迎設香案身率僚屬至館鼓吹前導使者從至王府立龍亭左王與僚屬行五拜三叩頭禮使與王抗王居其右時安南以詔故陽罷兵占城而疆吏寇剽不已思明府亦來言安南攻其永平等寨

上以書詰熾勅廣西布政司無納安南貢久之德明死二十一年熾爲國相黎一元幽城外尋遇弑立叔明子日焜主國一元又名季犛叔明婿也二十二年假熾名貢二十五年以安南弑君不道詔

絕之明年遣禮部尚書任亨太御史嚴震直諭出兵討龍州趙宗壽二十九年日焜始以叔明喪來告

上謂叔明弑日燧有其國今一元踵弑煒勅禮部無弔慰怙亂時日焜頗侵思明府地三十年遣行人陳誠呂讓諭還所侵丘温等五縣不聽日焜旋亦爲季犛弑陳氏傳十二世至日焜而黎氏篡立大誅戮陳宗自謂舜裔胡公滿後更姓名胡一元子蒼易名奎僭稱帝境內而一元爲太上皇國號

象胥

安南

七

芝園

錄三

藏板

大虞紀元天聖永樂元年賀卽位詐表陳氏絕奎爲陳甥求權署國事遣行人楊渤往廉之還以耆老表上與奎合遂命禮部郎中夏正善往封爲安南國王二年表謝還思明府侵地勅無阻占城貢道併還思明府所轄西平祿州永平寨會安南故臣裴伯耆詣闕奏黎季犛世事陳氏任心膂一旦覆陳宗易姓改元大逆無道臣祖父事陳頃禦寇海上而季犛篡弑因附番舶告急 陛下幸念陳氏忠順施弔伐願負弩爲士卒先

上憫之令所司給衣食而老搃宣慰司護送前安南王孫陳天平亦至奏臣係故安南王烜裔孫世事上國傳至煒賊臣黎季犛擅威福輒推刃煒而立顛顛卽日焜也亡何更弑顛立子宓在襁褓復弑之自立其子蒼誅夷宗族且盡興滅繼絕唯天王留意焉

上引見賜第月給廩與伯耆俱其冬安南賀正旦使者至

上出天平示之使者識其故王孫也錯愕下拜至

象胥錄三

安南

八

芝園藏板

垂涕伯耆責以大義惶恐不能對三年命御史李椅行人王樞齋勅切責安南國王奩令以實聞奩遣使阮景真等隨表謝詭迎天平并還祿州諸寨地

上命行人聶聰 約勅廣西副總兵黃中呂毅將兵五千及大理卿薛崑送天平歸國封胡奩順化郡公四年天平至丘温奩遣陪臣供餼牽犒師見天平皆拜舞踊躍問奩以疾解遣騎覘之壺漿相望遂前度隘留雞陵二關將抵芹站山險林稠

且雨潦軍行不成列忽大呼伏發劫殺天平及崑
去中等亟整兵擊之橋已斷因引還奏狀

上大怒決意南伐七月以成國公朱能佩征夷將
軍印充總兵官西平侯沐晟爲左副將軍新城侯
張輔爲右副將軍豐城侯李彬爲左叅將雲陽侯
陳旭爲右叅將率神機將軍程寬等凡二十五將
軍兵部尚書劉儁叅贊戎務尚書黃福大理寺卿
陳洽督餉發步騎舟師及土舍達官八十萬人討
季犛大將軍右副將軍等統京衛荆湖閩浙廣東
象胥
錄三
安南
九
芝園
藏板

西兵出廣西憑祥州左副將軍等統巴蜀建昌雲
貴兵出雲南蒙自縣

上親幸龍江禡祭并責黃中等立功別勅占城王
擾其境師次龍州遣行人朱勸往諭季犛父子聽
以金鑄身贖罪不從十月能以疾留副將軍輔發
憑祥入安南境傳檄聲罪遂破三萬衆度雞陵關
諜芹站兩傍並有伏遣鷹揚將軍呂毅等搜捕哨
至昌江造浮橋濟師屯新福縣副將軍晟亦率雲
南兵至白鶴江來會

上聞成國公能卒命輔盡護諸將時賊恃僞東西
都及宜洮沱富良各江爲固緣江樹柵築土城綿
亘九百餘里又於富良江南崖置椿水中列戰艦
防攻擊兩都亦嚴備列象馬守險以老我師輔等
遂自新福移營三帶州造舟圖進取十二月副將
軍晟奪宜江而軍次洮江北岸與多邦城對壘將
軍輔遣叅將陳旭會晟濟師驃騎將軍朱榮等大
破賊嘉林江將軍輔留都督高士文舟師應榮身
率大兵與副將軍合沿江柵皆逼水唯多邦城下

象胥
錄三

安南

十

芝園
藏板

沙坦可駐師而賊設備密下設重壕壕内外布箐
刺輔部署既定夜四鼓遣都督黃中等啣枚昇攻
具過重壕至西南城下以雲梯附城蟻引上忽舉
火銅角齊鳴賊披靡驅象巷戰遊擊將軍朱廣等
以畫獅蒙馬神機銃翼而前象股栗奔突賊大潰
蹂躪鹵獲無筭遂進克東西都五年正月將軍輔
晟等襲賊籌江柵大破之又攻萬劫江普賴山凡
斬首三萬七千餘級招撫諒江東潮相繼附謀報
季羣及子澄聚舟黃江遂水陸並進至木九江賊

舟膠又大破之窮追至閩海口地下温乃佯引退賊追躡富良江舟亘十餘里橫截江中而用剡船載木立柵迎拒輔率衆力戰賊不支都督柳升等以舟師橫擊殲賊數萬江水爲赤乘勝抵閩海口季犛父子以小舟走又安升引兵出奇羅海口永定衛卒王柴胡七人調得季犛所縛送升軍併得其子澄土人武如卿等獲僞大虞皇帝黎蒼僞太子黎芮等安南平 詔求陳氏後無存者輔等同父老合辭請郡縣視內地乃置交阯布政使司及

象胥
錄三

安南

十一

芝園
藏板

都指揮按察司分府十七日交州北江諒江三江建平新安建昌奉化清化宣化大原鎮蠻諒山新平又安順化升華州四十七縣一百五十七衛十一守禦千戶所三市舶司一以尚書黃福掌布按二司事都指揮使司以呂毅黃中掌之前歸附裴伯耆爲按察副使改雞陵爲鎮夷關安撫人民三百二十一萬有奇凡獲蠻人二百八萬七千五百糧一千三百六十萬石舟八千六百七十七艘象馬牛十三萬五千九百軍器二百五十三萬九千

九月獻俘闕下

上御奉天門讀露布面詰季犛父子頓首請死罪
下之獄勅訪交阯人才禮送赴京因以明經甘潤
祖等十一人爲諒江等府同知六年總兵官張輔
等凱旋上交阯地圖凡東西相距一千七百六十
里南北相距二千八百里 賜宴中軍都督府制
詔新城侯輔功最大西平侯晟次之進封輔英國
公晟黔國公都督柳升封安遠伯黃中呂毅得贖
罪餘手捕黎季犛及蒼授官三品而交人簡定復

象胥
錄三

安南

十二

芝園
藏板

反簡定者陳氏故臣從下交南爲副將頗有功因
上意不復立陳氏與所親陳希葛走興化州說羣
盜鄧悉等下之聚衆萬餘南合慈威蠻剽州邑勢
轉盛遂僭號八月鎮守尚書黃福以聞命發滇蜀
兵四萬屬黔國公晟進討兵部尚書劉儁贊軍事
十二月及定戰於生厥江敗績都督呂毅尚書劉
儁叅政劉昱並死之賊漸逼交州七年大發兵復
拜英國公輔爲征夷將軍五月簡定稱上皇立陳
季擴爲大越皇帝改元重光八月大破賊鹹子關

尋又敗之盧渡江及太平海口窮追至美良獲簡
定并偽將相陳希葛等八年正月送京師磔于
市輔逐捕餘黨阮師檜于東潮州斬首五千級獲
偽將軍范支等二千人悉坑之築京觀

天子念久暴師召輔還朝以征夷將軍麾下益
晟期盡賊五月晟擊破季擴於靈長海口十一月
請降

上幸許以爲交趾右布政使其黨鄧景異等各授
官然季擴特詐言緩師掠如故九年詔英國公

象胥
錄三

安南

十三

芝園
藏板

輔充征虜副將軍往會晟二月赦交趾停徵課稅
三年七月破賊於九真州月常江尋又破之海上
慈廉福安諸州縣皆復十年八月大破賊於神投
海口十月又破賊西心江僞少保潘季祐遁可雷
山乞降輔承制以爲按察副使其將帥相繼降十
一年十二月輔等大破賊於愛子江賊驅象衝突
前鋒發矢落其象奴還奔自相蹂藉季擴走追擒
之老撾十二年八月檻送京伏誅交趾復平宴犒
南征將士賜英國公輔黔國公晟金鈔有差始

安南民不忍棄陳王而季擴詭陳王後以惑衆勢
重於簡定故征之數年而後克或云季擴卽定從
子行也亡何釋黎季犛戍廣西而子澄以善神鎗
且累官工部尚書別賜姓氏矣自英國公輔下交
南凡三獲僞王威震西南夷遂以征夷將軍留鎮
其地十四年 召輔還以豐城侯李彬代別遣中
使馬騏監軍定歲貢扇萬柄翠羽萬箇騏墨而殘
交人怨叛者蠶起十六年正月清化土官巡簡黎
利反利善戰挾計數初從季擴爲金吾將軍後來
降授土巡簡因輔召還後人心不甚德中朝遂自
稱平定王以弟黎石爲相國結老撾縱剽豐城侯
彬遣叅將朱廣等討捕斬級六百利遁去而攻掠
自如十七年巡按交趾御史黃宗載言交趾新入
版圖而郡縣多兩廣雲南舉貢未歷國學遂授遠
方以致撫字乖方若候九年黜陟轉多廢弛宜令
到任二年以上從巡按御史及布按二司嚴覈廉
污黜陟報可十八年交趾叅政侯保馮貴討黎利
死之十九年豐城侯彬請屯田言利奔老撾

象胥
錄三

安南

十四

芝園
藏板

上諭老撾匿賊持兩端其詰之是歲給事中柯暹御史何通等以訐工部尚書李慶慶陽薦暹等堪牧民並爲交趾知州二十二年

仁宗卽位遣中使山壽諭利以爲清化知府召黃福還以兵部尚書陳洽代福居交趾十八年有威惠爲衆憚服旣去而交人益携中使馬騏還京未幾矯旨下內閣勅往交趾辦金銀珠香內閣覆奏上正色曰朕安得此言渠在交趾荼毒軍民卿等不聞耶然亦不誅騏也利攻茶籠守臣琴彭堅守不下其冬攻大理寺卿楊時習爲交趾按察使洪熙元年二月以榮昌伯陳智爲征夷副將軍討利六月

宣宗卽位勅智及都督方政亟進勦智逗遛不前茶籠潰琴彭戰死而宣化賊合雲南寧遠州紅衣賊縱掠皆遙受利節度宣德元年二月智等擊利於茶籠州敗績四月命成山侯王通佩征夷將軍印充總兵官都督馬瑛充叅將發步騎十餘萬進討尚書陳洽仍叅軍事陳智方政白衣隸軍中自

象胥
錄三

八
安南

十五

芝園
藏板

効時交阯連歲用兵中國疲奔命自

仁宗雅屬意招撫

上罷朝御文華殿顧語侍臣蹇義夏原吉楊士奇
楊榮以郡縣安南非

太宗意欲如洪永初使自爲國奉常貢與民休息
唯士奇榮議與

上協然語秘不令外廷知也五月赦交阯有罪者
九月以廣西兵五千益王通十月黎利弟善據廣
威州遂擁衆數十萬分道攻交阯城拒卻之十一

象胥
錄三

安南

十六

芝園
藏板

月叅將瑛大破賊於清威至石室縣與成山侯通
合兵進屯寧橋諸將言地險惡宜遠斥堠持重通
不從麾衆渡天雨泥濘伏驟起衝盪遂大敗尚書
陳洽死之黎利方從乂安引精兵來會圍東關通
敗後氣大沮喪陰許爲利乞封緩攻十二月以成
山侯通告急命安遠侯柳升克征虜副將軍又副
以保定伯梁銘都督崔聚爲右叅將由廣西黔國
公沐晟充征南將軍興安伯徐亨永寧伯譚忠爲
左右副將軍由雲南兩道擊賊兵部尚書李慶叅

贊軍務召黃福於南京令仍掌交趾布按二司事
二年黎利來攻成山侯日夜訓練得精銳五千出
不意擊利大破之斬僞司空丁禮僞司徒黎豸等
萬餘級利愚不能軍諸將請乘勝追擊而通猶豫
不決賊得以暇脩械固壘勢復張三月圍丘温都
指揮孫聚拒破之勅調原下西洋銳卒及湖廣四
川各省都司兵四萬五千餘益征南征虜兩將軍
四月利以八萬衆破昌江城都指揮李任等力鬪
死中使馮智及知府劉子輔等俱自縊成山侯通
錄三

象胥
安南

十七

芝園
藏板

斂兵不出利書來請和通輒許清化迤南地獨按
察使楊時習不可通厲聲叱之遂遣人同利使表
貢方物九月安遠侯升等師次隘留關利復具書
請軍門乞罷兵立陳氏後曰嵩者主其地升不啟
封奏聞趣兵進長驅至鎮夷關心易之保定伯銘
尚書慶並病瘴暑寢劇幕屬郎中史安等言慶曰
主帥意頗驕而夷多譎不據險何以待敵慶力疾
語升升唯唯前抵倒馬坡獨以百餘騎馳度橋橋
壞陷淖伏四起中鏢死銘慶亦繼歿都督聚進兵

至昌江軍中新失帥氣不振賊大驅象前突師潰
聚與史安等俱被執死之凡七萬衆靡有孑遺惟
尚書福在行交人擁泣曰吾父也向不比歸何至
是護抵龍州而黔國公晟兵竟阻不進十月成山
侯通謀知升敗益思更啗利金綺予盟退師而前
遣使表貢方物及利所具升書請立陳氏者抵京
上覽表以示羣臣顧英國公輔曰將奈何輔曰安
遠成山侯非將也而少發兵少發兵不足以制敵
臣請行以一年擒利

象胥
安南

十八

芝園
藏板

錄三

上爲默然大學士士奇榮等言

太宗三下交南中國士馬虧損累萬轉漕度支費
累七十億得城三百餘而十餘年間叛者旋踵不
如因其請撫之以合止戈之義

上曰天下初定安南最先朝貢第令民安陳氏有
後朕奚恤人言羣臣頓首稱善十一月命禮部侍
郎李琦工部侍郎羅汝敬充正使通政黃驥鴻臚
卿徐永達爲副齎詔撫諭安南所據利表暘係陳
日燧三世嫡孫窟身老撾二十年其令耆老以實

對卽授封朝貢如洪武制勅主帥卽班師新置三
司以下文武各携家歸凡八萬六千六百四十人
三年正月成山侯通馳奉僞王陳暠遣黎少穎表
貢代身金人謝罪及送回所掠萬三千八百九十
一人報已全師出境至南寧胥命坐擅矯制失律
棄地下獄當斬贖爲庶人中使馬騏以激變論死
籍其家五月琦汝敬等還自交趾利表謝言暠病
歿諸爲陳氏後者悉絕臣利謹守封疆候旨 詔
更遣汝敬往訪陳後廷臣劾黔國公晟等逗遛

象胥
錄三

安南

十九

芝園
藏板

上曲赦晟緘劾章示之贈交趾死事文武復其家
四年汝敬還利附使貢方物奏陳氏子孫實已盡
臣利有女九齡失亂兵中後知爲馬騏進充官婢
陛下旣赦臣幸歸此女其敢負德六年五月利獻
代身金人兼請封六月遣禮部侍郎章敞通政徐
琦齋詔令利權署安南國事七年二月利遣人附
敞琦謝貢歲金五萬兩及方物九年三月廣西總
兵山雲奏利死姦臣黎問等構黨讐殺諒山府土
官阮世寧七源州土官阮公廷並避居龍州及太

平府勅雲利起微賤因奏立暲從人望朕志息民
遂罷兵徐議立暲利遽奏暲死多行不義爲天所
殛爾宜飭邊兵嚴備世寧等善撫之利子麟旋告
哀命行人郭濟朱弼往祭十月請封令麟權署國
事麟一名龍正統二年以奉朝廷謹 賜塗金銀
印封真爲安南國王諭還所侵欽州地及逋民二
百餘戶麟卒子濬嗣一名基隆天順元年乞賜袞
冕眎朝鮮不許三年庶兄琮醜殺之自立明年夷
目黎壽域等誅琮而立濬弟灝一名思誠天順五
年命侍讀學士錢溥授冊灝耻爲使臣屈溥貽書
往復乃定成化初與鎮安土官岑宗紹相攻爲岑
氏所敗占城王荼全攻其化州灝自率兵救之乘
勝抵其都虜荼全歸

上諭令罷兵十四年灝疏辨爲邊鄙侵伐無占奪
事十七年老撾來告急兵部奏安南僻在西南萬
里東吞占城西併老撾殘破八百僞勅車里宣慰
司殺滿刺加使臣聞其國治戰艦三千欲襲海南
所宜申儆勅雲南兩廣守臣嚴禁亾命越境整兵

象胥
錄三

安南

二十

芝園
藏板

待之先是國家 登極改元循例詔諭安南安南亦遣使朝貢然侵盜不輟中土人竄入其境有受僞御史者教之窺雲南而鎮守雲南中使錢能貪恣令指揮郭景取捷徑求賂安南以朝使向道廣西頗錯愕潛以兵尾其後覘我虛實改南京戶部侍郎王恕往巡撫械治能黨始戢而巨璫汪直方覬邊功獻取安南策傳 旨索永樂中調兵數職方郎陸容及劉大夏匿其籍以利害動尚書余子俊力沮得寢然自是鎮南關外多華人而臨安諸郡夷賊滋蔓矣弘治八年占城請討安南少傅徐溥以損威諫乃止十年灝死子暉嗣貢使欲由龍州入南寧知憑祥州李廣寧以 國初設鎮南關在其境爭之 詔如舊十七年暉死子敬嗣未踰年復死立其弟諛寵臣阮种擅主權正德四年暉諛自殺夷目黎廣度等誅种表請立暉六年命編脩湛若水往封暉一名澄為灝次子昭出昭生灝暉國人立暉而灝之子諱并弟應以兄子不得立灝及諱並妻鄭宗強且握兵意不附而暉猜虐人

象胥錄三

安南

二十一

芝園藏板

不堪命十一年鄭綏鄭惟鏞及其黨陳真弒暕諒
山都將陳暘自稱陳氏後與其子昇以諒山之甲
逼交州攻殺鄭惟鏞自立僞號天應仍稱大虞因
陳真等攻走諒山鄭綏等共立諫其甥也一名椅
而暘與昇率衆據長慶太原清都三府其黨莫登
庸尋奔諫登庸本荆門漁家子有勇力善戰能凌
水飛數步繇武舉累遷隸暘以罪奔諫用爲宜陽
叅將與暘戰大破之暘死以功封武川伯而大將
阮弘裕等討弒暕之罪攻鄭氏鄭綏及其子奔清
象胥
錄三
安南
二十二
芝園
藏板

化惟鏞子奔高平國兵柄未有屬登庸賂諫親信
諷推已典兵加太傅仁國公諸軍並聽節制旣得
志則漸除諫左右易所親信防守之且詭它盜焚
劫諫迫於登庸間行得脫至清化依鄭綏登庸乃
僞立應或云登庸收妻應母應登庸子也諫兩遣
使乞師爲登庸篡取不得進嘉靖改元以卽位詔
諭安南國王暕暕死且七年矣使者抵龍州不能
達而還六年登庸僞受應禪僭號立子方瀛爲皇
太子尋醜應當是時登庸與陳氏分據交地諫所

擁清化又安順化廣南四道而舊臣不服登庸者
往往據險爲援九年登庸立子方瀛爲國大王而
僭稱太上皇率兵攻諲清化諲敗走又安及蔡州
復窮追走入哀牢國哀牢卽老撾也諲憤鬱死子
寧甫七歲一名撻故臣黎峒鄭江鄭惟巒等立之
居清化府之木州漆馬江與老撾接界有衆八千
登庸屢攻倚老撾爲援不能克十五年以皇子
生議詔諭安南部奏自正德十年絕貢使法當聲
罪請勅錦衣有膽略者往廣西令鎮巡選伴入境

象胥

安南

二十三

芝園

錄三

藏板

勘報會安南世孫寧令陪臣鄭惟僚間道來乞師
天子銳意征討十六年巡撫雲南都御史汪文盛
黔國公沐朝輔得歸附土舍刁鮮等調其事執登
庸謀傳檄懸購而賊黨武文淵等各請降自効文
盛列營蒙自縣蓮花灘扼交廣衝登庸頗懼明年
投牒奉款而黎寧亦列播越本末及進兵道里以
聞集廷臣議十八年命咸寧侯仇鸞爲征夷將軍
兵部尚書毛伯溫贊軍事征蠻將軍安遠侯柳珣
兼征夷副將軍兵部侍郎蔡經以二廣兵合征南

將軍黔國公沐朝輔以雲南兵合凡三十萬人壓境左叅政翁萬達善兵多算伯溫經咸仗之乃駐師境上密募敢死士入偽都偵狀馳諭安南父老以興繼義討罪止莫登庸父子有擒斬獻賞二萬金加顯秩又諭登庸父子能藉土地束身歸命亦待以不死且剋期進兵時方瀛已物故登庸奉降表獻所侵欽州四峒地願內屬及辨黎寧爲阮淦子非黎氏後遂爲壇鎮南關兩軍相距文武具儀升壇登庸率其任文明并夷目阮如桂等尺組繫頸徒跣蒲伏壇下伯溫承制受之暫令歸國候命時十九年十一月三日也明年 詔赦登庸廢勿王降稱安南都統司以登庸爲都統使從二品別給銀印世襲海陽山南等十三路各設安撫司司設安撫同知等官聽登庸統理通隸廣西布政司歲給大統曆奉正朔仍三年一貢其漸凜古森葛金勒四峒侵地還欽州黎寧核果黎氏後畀以所據地制下登庸死矣聽授其孫福海伯溫班師以功進太子太保餘擢賞有差二十一年福海襲

表謝進金銀犀象方物命賚使如故供億減它藩
 罷 賜宴頃之福海爲黎寧逼海上二十五年死
 子宏瀝幼族人莫正中等謀作亂勢蹙奔欽州其
 黨范子儀等亦潛住永安因擾內地二十八年莫
 敬典討子儀黨函首獻護宏瀝至鎮南關請襲三
 十年勘明許之尋有兵難貢使黎光賁羈南寧餘
 十年至四十三年始達

上嘉恭順特賜宴如朝鮮琉球陪臣例萬曆初莫
 茂洽襲都統使四年九年並來貢十四年越請故

象胥
 錄三

安南

三五

芝園
 藏板

疆從邊吏議給以吟邦邕米等四村而黎寧子寵
 無嗣世臣鄭簡立黎暉四世孫黎維邦簡卽惟燎
 子也維邦死簡子松復立維邦子維潭二十一年
 督兵象襲莫茂洽執殺之并得都統使印盡逐莫
 氏遺孽莫敬用竄居高平府敬璋敬恭竄居東海
 新安州亾何維潭執敬璋兼有新安遣使浮海詣
 督府請款文移擅用前國王印詰之以詐對而請
 益堅因約以高平居莫氏如黎氏漆馬江故事維
 潭心難之二十四年啓關有日遁去久之進代身

金人聽款二十五年四月總督兩廣侍郎陳大科等築壇受降如登庸時詔以維潭爲都統使仍以高平子莫敬用令維潭無侵害安南復定賜大科等金幣二十七年維潭死子維新嗣叛酋潘彥構逆維新與鄭松還保清化莫敬恭復振三十年祿州夷官韋達禮侵思陵州諭鄭松嚴東三十四年安南入貢改給銀印以黎維新襲都統使明年交夷七百餘由龍州港突犯欽州嚴諭維新擒勦維新稱盜首武永楨係殘莫嘯聚執扶安等三人獻

象胥
錄三

安南

三六

芝園
藏板

總督兩廣尚書戴耀檄總兵孔憲卿等分水陸進掃其穴維新亦調水兵六十艘截新安海上三十年海風大作温州獲異船三譚審皆安南夷各給衣糧縱歸四十二年黎酋朝祿等引烏合千餘劫下石西州莫敬琳亦統衆數千索憑祥州米馬入下石始黎氏自利以下雖稱藩得帝其國如趙佗故事死則加僞謚君長並有二名以僞名事中國其後黎莫二姓遞爲雄而莫氏寢微海島黎莫支黨往往僭稱國公侯伯名號旁犯滇粵所至

騷動按安南自李氏都龍編地東距海西抵老撾
南接占城北連思明而與中土錯壤則東起欽州
迤西歷左江北至臨安元江凡界兩廣雲南三省
輶車往來必由廣西憑祥州鎮南關龍州爲孔道
由雲南臨安則經蒙自河蓮花灘可四五日至其
東都山川以佛跡勾瀟海富良江爲大產金珠丹
砂珊瑚翡翠蒟醬羚羊蚺蛇之屬甚夥而奇獸有
狒狒似獼猴人面知人生死獐積似猓善捕鼠俗
夷獮雜居喜兼并椎髻裸下黑齒昂喙好浴江水
桑麻魚鹽饒沃爲諸夷窳

象胥
錄三

安南

三十七

芝園
藏板

蹲踞爲恭唯交愛人倜儻驩演人淳秀而驩演文
學特盛官制略倣華風並習漢字歲凡再稻八蠶
論曰安南自五代後置君若奕棋而黎氏凡三據
其地豈一姓苗裔耶 國家拓境匹於漢唐而此
邦旣隸版圖旋淪蠻落有遺憾焉或謂英國膚功
屢奏卽留填如黔國南人當不復反而以刑餘荼
毒隳彼成績且計黎利縱橫英國尚矍躒無恙令
虎旅再發應如子儀之走回紇而竟引棄珠崖爲

原闕

象胥
錄三

入
安南

三十八

芝園
藏板